

ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ

Վեհափառ Հայրապետի հատուկ խնամքի և ուշադրության առարկան է եղել միշտ էլ Ս. Էջմիածնի միաբանությունը: Վեհափառի ամենամեծ ցանկությունն է Էջմիածնի միաբանության շարքերը խտացնել նոր և զարգացած եկեղեցականներով: Վեհափառի այդ ականկալությունն իրագործելու է կոչված Հոգևոր Ճեմարանը՝ իր հասցրած երիտասարդ հոգևորականներով: Հոգևոր Ճեմարանը մեր օրերում ազգային-եկեղեցական դաստիարակության վառ օջախներից մեկն է: Հոգևոր Ճեմարանը տվել է արդեն վրթված, ընդունակ, կայուն նկարագրի տեր երիտասարդ սարկավազներ, Վեհափառի մասնավոր ընտրությամբ:

Վերջերս Էջմիածնի միաբանության շարքերում ավելացավ մի նոր սարկավազ՝ Պերճ Պետիկյանը: Նորընծա սարկավազն ավարտելով Հոգևոր Ճեմարանի դասընթացը, զգացել է կոչում՝ հոգևոր ասպարիզում ծառայելու: Իր այդ ցանկությունը նա խտացրած արտահայտեց Վեհափառ Հայրապետի անուում գրած հետևյալ դիմումի մեջ.

Վեհափառ Տե՛ր.

Ստանալով հոգևոր կրթություն Ճեմարանում և ավարտելով նրա վեցամյա դասընթացը, ու միաժամանակ նախընտրելով, գիտակից եկեղեցականների կյանքը, գործունեությունն իբր օրինակ ունենալով, ես եկա այն եզրակացության, որ կարող եմ մեր ժողովրդին լավագույնս ծառայել, ընտրելով հոգևոր ասպարեզը:

Խոստանալով, որ Ձեր իմ վրա դրած հույսերը ի դերե չեմ հանի, խնդրում եմ ինձ շնորհել սարկավազության կոչումս:

Պետիկյանն իր համեստությամբ, աշխատասիրությամբ և եկեղեցասիրությամբ արժանացավ Վեհափառի բարձր հավանությանն ու շնորհին. Էջմիածնի կաթողիկոսը, կիրակի, նոյեմբերի 2-ին, գերաշնորհ Տ. Վահան արքեպիսկոպոսի կողմից ձեռնադրվեց սարկավազ:

